

Kayëta ir Tit in Lilaya in

Kayëta ijo Pol yëgwën baño Tit, ar enga endexëm gër epemëra ed Atëfëtan and Yesu Kërisët an. Afel fel baño Tit ebi yata bëlëngw bër bamara band gër oşir or Këret. Axwitan xwitan baño mondake yäpëk eni gi bëlëngw bër bamara bën. Bëte afelëra felëra baño Tit mondake yäpëk exo dıyand şenene gër Amara: gë bëxarëk bën, gë bësoxari bëbeja bën, gë ocambenjar gë odënañ ok, do gë okadëp ok. Mëñ alëngw an yäpëk eno tëfëtelind. Afel fel baño bëte Tit kërebi teş na bësëyali bënëgwëş bën eni tëyalind bënd gë ofëcak këm beñ. Er ex gër akayëta in:

End osëyali or Pol eñ: 1.1-4.

End ola or bëlëngw bër Amara eñ: 1.5-16.

End anıyan and gër Amara eñ: 2.1-3.11.

Ofelar ol: 3.12-15.

Ecëmar el

¹ Wëno Pol, ariyenin ar Kaxanu an, kë yëgwënëlınd kayëta ijo ro. Parëxanda hi këme, Yesu Kërisët do gë Kaxanu fana këne mëni nangënënd end däl eñ bër sana kënebi bën, eno kwëta, eni dıyand ang këbi yändind ak

² do eni yarënd anıyan and din ir din añ. Damana exo dixën ngwën in beya babi Kaxanu anıyan año, xarak mëñ axo nëgwëşënd na.

³ And ñatan këjo Kaxanu, mëñ ar ex afexën arebi an, anëcëtëgu nëcëtëgu ko eyeyan edexëm ed xwëtënan ke me pemërand el.

⁴ Tit, wëj ar hik enim asëñiŵën, ga ßar ke ekwëta edebat an, ašëma këmi šëmand. Faba Kaxanu do gë Yesu Kërisët, Axwën arebi an, yëlëleni oyekax ol do gë obetak ol!

End bëlëngw bër amara eñ

⁵ Wëno er seboxënëgu këmi gër Këret in ex, ey paŷ eketënëgu ed bëbër bayi bax el, do bëte eyëbi tana bëlëngw gër Amara and angol kala, ang fel bami ak.

⁶ Ala ar këyo sana exo gi alëngw an, gilexo icën ind asoxari abat fo, ar gë end këno nëp këm. Bëte gilexo sëm ir obaš or ŵak end Yesu, or ax ñac ex na, or ax mëšind na.

⁷ Enimin, aŷap ŷapëk alëngw ar amara an exo gi ar gë end këno nëp këm, gayikako ar xwëtënan këno ßend Kaxanu hi ko. Kërexo pufënarand na, kërexo gi na xoŷët xoŷët, kërexo gi na ašëb, kërexo gi na axeyax, kërexo caland na exo cot kodí in gë osëmbak.

⁸ Barikan gilexo ar këbi lëkayand aye bëliyer, ar ñanëk enjekax, ar šenene, arenik, aŵënëk, ar xamëk emëlaya ed gaf irexëm.

⁹ Kwëtalexo aye eyeyan ed ðal el, bayilex ang sëyali këno ak, exo koraxënënd ebi kemën gë osëyali or šenene ol, do ebi masinaxënënd bër kë šampërend bën ang këni lifënd ak.

¹⁰ Enimin, moñëmb ŷëmb këni bëŵëšik bën, bësëyali bër bënëgwëš bën, do gë bënambeli

bën, adofa gër enga end Bêšewif bërëwãk end Yesu.

¹¹ Bêjo ÿapêk eyëbi cëmin gayikako yer oxun oŋ këni wëlënd gë osëyali or enëgwêš or këni šotaxënënd kodî gë osëmbak ol.

¹² Ar hi këni ebar ebat do hi ko alawënel re këbi:

«Wën Bëkëret bën din bënëgwêš hi kën,
ang oŵacar oxeŷax fo hi kën,
bongëleŷ bokwëlaraxik hi kën.»

¹³ Osede olo đal dëŋ ex, mëŋ ex dexërayindëbi mbaŋ eni cotaxën ekwëta ekemax.

¹⁴ Tebëlexëni obaxët or benëgwêš bend Bêšewif ol, bend ex bapela band bela bër kë hëpënd đal beŋ.

¹⁵ Er ex yo, aŵënën wënëk gër bëwënëk, bari ŷoweŷ ax men ex na gër bër buyarënyak, do hi këni gë oŋëpëgënan bën: onden ondebën oŋ buyarëk.

¹⁶ Mondako këni sošanand mëne anang nang këno Kaxanu. Barikan bandixa bandebën baŋ këbi fëlëtënd. Bêjo bër mocus exëni, bëwëšik exëni, bër kë sëkwanënd eni di enjekax exëni.

2

End osëyali or đal eŋ

¹ Wëj cëŋ, pelindëbi bend rek osëyali or đal beŋ.

² Pelindëbi bësošan bëxarëk bën eni gi bër gë anjus, bër mopëb, bërenik, bër xemëk gër ekwëta, gër ebal ed bela, do gër ebuŋan.

³ Pelindëbi bësoxari bëxarëk bën eni điyand ang bër yëlayak gër Kaxanu fo. Këreni gi

na bërena bër bela, këreni gi na okadëp od ekurelira ed ngoy. Tëyalindëlexëni enjekax eņ.

⁴ Masinindëlenëbi bësoxari bëbeja bën ang ÿapëk ebi balënd end bëcën bëndebën do gë obaș orebën ak.

⁵ Tëyalindëlenëbi eni gi bësoxari bër gë anjus, bëwënëk, bër ye këbi onden, bër kë fëyëpëyënd bëciw bëndebën, bër bëngw këbi onden, bër këbi baxëtënënd bëcën bëndebën. Ata bayik ala ax ñana na exo denand eyeyan ed Kaxanu el.

⁶ Pelindëbi bëte ocambenjar ok do gë odënaw ok eni gi bërenik.

⁷ Gër ga hik yo, wëj dëņ aÿap ÿapëk ey gi ar motëfëteli gër benjekax bënd këy rind. Do and këy sëyalind aņ, ola orey ol gilex or dal, or mopëb.

⁸ Gilex bëte eyeyan emënëk ed ala ax kor na exo cembët. Angëmëne mondako ex, ata këņo wëlandëra ar këbo wãñërelind an do eñëņëxax end këbo yëlan, axo cot na.

⁹ Pelindëbi okadëp ok enëbi wëlënënd gër beÿ dek bëxwën bërebën bën, eni kemënënd ebi nënganaxën endebën eņ, këreni campërend na er kënebi felënd in.

¹⁰ Bëte watiyindëlex gër ola orebën mëne bër mokwëta hi këni, ÿoweÿ këreni dekand na. Mondako këni fëbaxën osëyali or Kaxanu, Afexën arebi ol.

¹¹ Gayikwa așanaya șanayak gër bela dek oyekax or Kaxanu or kë yëlënd apexa ol.

¹² Ata oyekax olo këbo sëyalind ene kwëyëtande bëcusëșus beņ, gë oñandi od gër ngwën ro ok do ene cotaxëne gë okey oko dëņ,

aniyan and gë orenik, and gë onden, and êenene, and kë wëlayand bend Kaxanu.

¹³ Mondako këne êenixëne er gë onënga ir këne yarënde in, do gë akey and kë êanayaw enjaran end Yesu Kërisët aŋ, mëŋ ar ex Kaxanu, ar xwën këbo do fexën këbo an.

¹⁴ Mëŋ dëŋ yëlayak në endebi ebo dacëtaxën gër eñëŋenax end ex yo do ebo mënën, ene gixëne bulunda ir xwën ko, ir kë balëkënalind edi ed benjekax in.

¹⁵ Mondako ŷapëk eyëbi tëyalind, eyëbi kemënënd do eyëbi wërëêëtënd gë ðek or gapak or êot këy ol, ala kërexî yaf na!

3

End aniyan and oxëreceŋ eŋ

¹ Kwitanindëbi bërëwëk bën mëne aŷap ŷapëk enëbi baxëtënënd bëlëngw bën do gë bemun beŋ. Diyindëlexëni er këni rend in, do gindëlexëni bëwëlëk eni di enjekax end ex yo.

² Pelëlëbi eni gi bër mongwëlër, bër bëngwëk, do eni nënga gër bela ðek, ala këreno denand na.

³ Enimin, biyi bëte ðamana enëŋo nange Kërisët, er hi bane bëfëñirëx, bëwëêik, bënambërak, okadëp od oñandî oñëŋenax do gë od benëngax bëtëmbak. Mbaŋ xeŷ bane, do baŋo yakëraxirand, bane xoŷëndërende do bane êusërende andebi rebi aŋ.

⁴ Barikan and ðatan këŋo Kaxanu Afexën arebi aŋ, wësin këbo biyi bela bën oyekax orexëm ol do ang ðan këbo ak.

⁵ Nē end axaŷēnan irexēm fo rixēn ko mondako, bari ax gi ex na de ga ri kēne bend ŷenene. Afexēn fexēn kēbo gē xobuyi or andēwā angaŷax ol do gē enēngwēt ed ko nēngwētēnd Angoc Amēnēk el.

⁶ Kaxanu yēl kēbo dēm Angoc Amēnēk aŋ paβ gē Yesu Kērisēt, Afexēn arebi an

⁷ ebo kwētaxēn bēr ŷenene paβ gē oyekax orexēm ol, ene cotaxēne aniyān and din and kēne yarēnde aŋ.

⁸ Awa eyeyan elo dāl ex do aŷandi ŷandi ke eyēbi kēnēnanēnd bēr xwēta kēŋo Kaxanu bēn gē obal osēm ebi bēroxēn edi ed benjekax el. Awa eŋo ayeyek do ofēcak or bela ex!

⁹ Barikan kwēŷētal oyeyandēran ofēnirēx oŋ, gē or bend bandēwēra oŋ, gē oxeŷēr oŋ do gē ecembētēndēr ed nē end acariya and Moyis el gayik dek beŋo ax űap ex na, ofēcak kēm ex.

¹⁰ Ar kē wēlawēnd bakucara gēr amara an, pelērālo amat xali baki, bari űwāyidō angēmēne axi baxēt ex na.

¹¹ Anang nang kēy mēne ala arako rako an, asēmbak ex, ar kē wēndērand ex do gē andexēm dēŋ ko nēpayand.

Bapela bapelatar baŋ

¹² And kēmo lawēnēli Arētemas ba Tiŷik aŋ, kemēnayid eye kacali gēr Nikopolis gayik gēr emēkw edam faŷ kēme exe kuca fēn amēd and gē ayem aŋ.

¹³ Kemēnal eyēbi yēlēra ŷēlafana, Senas, asēyali ar acariya an do gē Apolos eni kucaxēn gēr dāmana irebēn, ŷoweŷ kēreni can na.

¹⁴ Aÿap ÿapëk bëmaÿe bendeſi bënd ex bërëwãk bëŋ eni tÿya egi ed bënëngax el, do gindëlexëni din bëwelëk gër edi ed benjekax, enëſi dëcaraxënënd bër ſëmura këſi mbaŋ bën; këreni dÿyand na wa gë ofëcak këm.

¹⁵ Awa bër enga endam bën dëk ki ſëmand. Cëmalëſi bër ex odawo odeſi ga ſar këne ekwëta ebat bën.

Kaxanu yëlëleŋun wën dëk oyekax ol!

Oniyan
Oniyan: Oniyan (New Testament+)

copyright © 2017 Wycliffe Bible Translators, Inc.

Language: Oniyan

Contributor: Wycliffe Bible Translators, Inc.

All rights reserved.

2025-04-29

PDF generated using Haiola and XeLaTeX on 29 Apr 2025 from source
files dated 29 Apr 2025

8b7902f3-5e35-5b89-86b2-c6da1be458b9